

MIEMBRONAN DI DIREKTIVA WRFC FONDS

Rudy Wijngaarde - Presidente
Michael de Sola - Sekretario /
Tesorero
Winthrop R.F. Curiel - Miembro



E promé proyekto di Winthrop R.F. Curiel Fonds den kual algun hóben a wordu fasilítá ku un sèt di drùm pa asina nan por praktiká na kas tambe.



Muzik ta bon pa mi desaroyo

Kaya Fraternal di Skèrpenè # 1
Postbus 4673
Curaçao
Tel.: (599-9) 767-1584
Fax: (599-9) 747-2922
E-mail: winthrop.curielfonds@pbccaribbean.com

INTRODUKSHON

Dia 19 di mei 1986 señor Winthrop Curiel a bira miembro di **Fondo Kultural Prins Bernhard Region Karibe** (Prins Bernhard Cultuurfonds Caribisch Gebied, **PBCCG**) i tabata presidente di e direktiva durante 18 aña.

Promé di yanüari 2011 señor Curiel a tuma su retiro komo miembro di direktiva di PBCCG. Na e okashon ei a funda bou di guia di e direktiva di PBCCG e promé **Cultuurfonds op Naam** (Fondo Kultural riba nòmber) na su honor i a dun'é e nòmber: **Winthrop R.F. Curiel Fonds (WRFC Fonds)**.

Muzik a hunga un ròl masha importante den bida di señor Curiel. Pa e motibu ei WRFC Fonds a tuma komo un di su metanan pa laga talentonan hóben keda kompartí muzik na un manera agradabel ku otro amantenan di muzik. Ku esaki dos pashon di señor Curiel ta keda realisá: muzik i su atenshon pa hóbenan talentoso.

MUZIK, PA KIKO E TA ASINA IMPORTANTE?

Muzik ta un parti esensial i fundamental di nos kultura i por hunga un ròl importante den edukashon i desaroyo di un mucha. Pa medio di muzik un mucha for di chikitu ta siña ekspresá su emoshonnan natural na un manera balansá i úniko i komuniká tambe ku su medio ambiente. Ademas muzik ta yuda e mucha desaroyá aspektonan sosial, abilidadnan motórik i sensorial. Tur mucha tin e kapasidat i potenshal pa siña muzik. For di diferente investigashon a sali na kla ku por desaroyá i stimulá e kapasidat aki ku mas éksito for di nasementu te ku edat di 9 aña.

META DI WRFC FONDS

E meta prinsipal di WRFC Fonds ta apoyá i stimulá e hóben talentoso den su desaroyo musikal i artistiko. Esaki ta sosodé dor di duna sosten finansiero pa e.o. diferente kurso di formashon, kompra di instrumentonan adekuá, lès di muzik, drama i baile na esnan ku no tin e medionan finansiero. Ku e sosten aki hóbenan por konkretisá nan pashon pa muzik.

KEN POR ENTRGÁ UN PETISHON?

- ◊ Tur persona te ku 35 aña di edat por bini na remarke pa hasi un petishon.
- ◊ Un petishon pa un menor di edat mester keda hasí pa un mayor òf tutor mayor di edat.
- ◊ Entidatnan hurídiko manera fundashon òf organisashon, ku segun nan statutonnan ta aktivo riba e mesun tereno ku e fondo, tambe por hasi un petishon.

FORMULARIO DI PETISHON

Pa entregá petishon pa proyekto mester yena un formulario di petishon ku ta disponibel riba e website: www.pbccaribbean.com òf por pasa buska e formulario na ofisina di PBCCG Kaya, Fraternal di Skèrpènè # 1 (Postbus 4673). Den kaso ku tin pregunta por tuma kontakto durante oranan di ofisina na number di telefon: 767-1584.

WRFC Fonds ta aseptá petishonnan te un máksimo di ANG. 5.000,00 pa proyekto.